

Balinese - Janjin Cakepan Sucine - Promises Scriptures

Purwakaning Dadi 20:6 Ida Sang Hyang Widi Wasa raris masabda ring ida sajeroning panyumpenan, sapuniki: “Ulun wikan kita nglaksanayang unduke ento saking nulusing ati, ento awanane Ulun ngandeg apanga kita eda kanti malaksana dosa marep teken Ulun. Ento krana Ulun tusing nglugrain kita ngusud anake luh ento.

Pararudan 35:21,26 Sapasiraja sane mamanah maturan, ipun raris rauh tur maturan ring Ida Sang Hyang Widi Wasa buat kanggen makarya ngwangun Kemah Linggih Ida Sang Hyang Widi Wasa. Ipun suang-suang makta saluiring barang sane perlu pabuat pangubakti miyah lakar buat makarya panganggen pandita. 26 Ipun taler makarya benang sane malakar antuk bulun kambing.

Cacah Jiwa 10:35 Nyabran Peti Prajanjane punika jaga kabakta magingsir, Dane Musa setata matur sapuniki: “Duh Ratu Sang Hyang Widi Wasa ledang Palungguh IRatu matangi. Sambragangja meseh-meseh druene, mangda jadmane sane geting ring Palungguh IRatu sami pada kapilayu.”

Pangeling-eling 2:25 Ngawit uli di dinane ene Ulun lakar ngadakang apanga parabangsane dini ditu pada takut teken kita. Sabilang anak lakar jejeh ngetor yening ia ningeh adan kitane kasambat.’ ”

Pangeling-eling 9:3 Nanging sane mangkin parasemeton ngraga jaga ngaksi Ida Sang Hyang Widi Wasa, Widin semetone mamargi ring ajeng semetone sakadi geni sane ngeseng. Ida jaga ngaonang ipun ring ajeng semetone, kantos parasemeton digelis nyidayang ngulah tur nyirnayang ipun, sakadi sane sampun kajanjiang antuk Ida Sang Hyang Widi Wasa.

Yosua 2:9 sarwi mabaos ring sang kalih, sapuniki: “Tiang uning mungguing Ida Sang Hyang Widi Wasa sampun maicayang jagate puniki ring ragane. Sakancan jadmane ring jagate puniki sami ajerih ring ragane.

1 Samuel 17:48,50 Rikala Goliat maranin Dane Daud, Dane Daud digelis nyagjag nganampekin gelar wadua balan Pilistine buat jaga nglawan ipun. 50 Kadi asapunika Dane Daud ngaonang tur ngamademang Goliat boyo nganggen pedang, nanging antuk blangsut miyah batu.

Ester 8:17 Ring sakancan kota miyah propinsi genah prentah sang prabu punika kawacen, wong Yahudine ngwentenang rerainan kaliangan sarwi mapesta miyah masuka-sukan. Akeh rakyate irika ngranjing dados anak Yahudi duaning ipun ajerih ring bangsa Yahudi.

Ayub 29:14 Tiang setata malaksana adil miyah jujur.

Pitutur 13:11 Kasugihan ceninge ane bakatang cening aji aluh, ento lakar enggal ilang, nanging ane bakatang cening aji tuyuh makelo tuuhne.

Pitutur 13:22 Anake ane patut lakar ngelah kasugihan ane warisanga teken cucunnyane, nanging kasugihan anake ane madosa, lakar makisid ka

tongos anake ane patut.

Pitutur 22:22,23 Eda cening ngalih bati uli sig anake tiwas, baane cening nyidaang. Eda cening ngalih bati uli sig anake ane suba kaselek di pangadilan. 23 Ida Sang Hyang Widi Wasa lakar nindihin wicarannya tur Ida lakar ngepet patin asing-asing anak ane ngepet patin anake ento.

Yesaya 35:8 Irika pacang wenten margi ageng sane mawasta: "Margi sane suci." Tan wenten anak madosa jaga mentas ring margine punika, tur tan wenten jadma sane buduh sane pacang ngasasarang anake sane mamargi ring margine punika.

Yesaya 43:2 Yen kita

majalan ngentasin tukad ane dalem-dalem, Ulun lakar ngingin kita, tur pakewuh kitane tusing lakar ngliput kita. Yen kita majalan nuluh api, kita tusing lakar puun, tur gegoden ane abot tusing lakar kanti nyakin kita.

Yesaya 49:25 Ida Sang Hyang Widi Wasa malih ngandika asapunika: "Unduke ene ane lakar kasidan. Tawanan-tawanan prajurite lakar kajuang tur jejarahan anake wirosa lakar karampas. Ulun lakar nyiatin sawatek anake ane nyiatin kita tur Ulun lakar ngrahayuang pianak-pianak kitane.

Yesaya 54:17 Nanging tusing ada sanjata ane lakar nyidayang natunin kita. Kita lakar ngelah pasaut nglawan sawatek anake ane nalih kita. Ulun lakar nindihin parekan Ulune tur ngicen ia kamenangan." Ida Sang Hyang Widi Wasa sane sampun ngandika kadi asapunika.

Yesaya 59:17,19 Ida jaga ngrangsuk kadilan sakadi baju besi, tur kamenangan Idane minakadi tetopong. Ida pacang ngrangsuk busana sane marupa pakayunan sane kukuh buat ngadegang paindikan sane patut, tur jaga ngukum lan ngwales kadursilan sane katandangan antuk rakyate. 19 Saking kangin rauh kauh, asing-asing anake jaga ajerih ring Ida miyah kagungan kawisesan Idane. Ida pacang rauh waluya sakadi toyane sane suluk, sakadi angine baret.

Yesaya 61:10 Kota Yerusalem

masuka rena duaning paindikan sane sampun kakardi antuk Ida Sang Hyang Widi Wasa. Ipu waluya sakadi panganten luh sane sampun ngrangsuk busana buat upacara ngantennyane. Ida Sang Hyang Widi Wasa sampun nganggoin ipun antuk karahayuan miyah kamenangan.

Yeheskiel 22:30 Ulun ngalih-alihin anake ane nyidayang ngae tembok, ane nyidayang majujuk sig tongos-tongos ane laad kuugang. Ulun ngalih anak ane nyidayang nindihin gumine, dikalan pidukan Ulune lakar nguugang temboke ento. Nanging Ulun tusing maan angan aukud.

Yeheskiel 45:8 Tanahe punika jaga dados duman sang prabu sane madeg ratu ring tanah Israel, mangdane ida nenten malih nindes rakyate, nanging jaga nglugrain tanah-tanahe sane lianan punika dados paderbean suku-suku bangsa Israele.

Daniel 4:16 Pitung tiban makelonne ia tusing lakar ngelah pepineh manusa, nanging pepineh buron.

Daniel 7:4 Sane nomer siki kanten sakadi singane nanging maderbe kampid

sakadi paksi garudane. Rikala tiang sedek nlektekang ipun, kampidnyane jeg keles. Ipun raris makejog tur majujuk sakadi jadma. Sapangrarisipun satone punika kawehin pepineh sakadi pepineh manusa.

Sakaria 4:6 Sang malaekat ngandikayang tiang ngrauhang pawuwus Ida Sang Hyang Widi Wasa ring Dane Serubabel, kadi asapuniki: “Kita lakan labda karya, tusingja malantaran kawisesan prajurite, wiadin malantaran kakuatan kitane padidi, nanging malantaran roh Ulune.

Matius 24:22 Nanging Ida Sang Hyang Widi Wasa suba macutetin masane ento. Yen tusing keto, sinah tusing ada manusa ane nyidayang idup. Nanging malantaran parakaula pepilihan Idane, masane ento lakan cutetang Ida.

Matius 26:41 Magadang tur ngastawaja! Apang eda cening kalahanga baan gegodane. Roh manusane mula suksrah, nanging cening ene manusa ane lemet.”

Markus 10:48-52 Akeh anake sane namprat ipun mangda ipun mendep, nanging sayan mangetang ipun jerit-jerit: “Ratu sentanan Ida Sang Prabu Daud, suecaninja titiang!” 49 Ida raris majanggelan tur ngandika: “Kaukinja ia tunden mai.” Anake buta punika raris kakaukin, sapuniki: “Ida Hyang Yesus ngandikain jerone; tegtegangja kenehe, bangunja.”50 Sambilang ipun ngentungang saput, ipun bangun raris mamargi maranin Ida Hyang Yesus. 51 Pangandikan Ida Hyang Yesus:“Apa ane buatang jerone, apang Tiang nulungin jerone?” Aturipun anake buta: “Ratu, titiang nglungsur, suecaninja titiang mangda titiang mrasidayang ngeton!” 52 Ida Hyang Yesus raris ngandika ring ipun: “Nah jani kemaja jerone majalan, sawireh jerone pracaya teken Tiang, ento ngranayang jerone seger!” Daweg punika ugi ipun jeg prasida ngeton, raris ipun sareng-sareng ngiring Ida. (Matius 20:30-34)

Markus 16:20 Parasisian Idane tumuli pada lunga nyatur desa nglumbrahang Orti Rahayune punika. Tur Ida Sang Panembahan setata nyarengin dane sajeroning pakaryan danene, saha mapaida praciri-praciri sane ngangobin, buat ngukuhan sabda sane pidartayang dane.

Lukas 14:23 Gustinnyane raris ngandika ring iparekan, sapuniki: ‘Kemaja pesuka marga-margane muah ka rurung-rurung sesunutane, tur tundenja mai sakancan anake ane ada ditu, apanga bek umah icange.

Lukas 21:15 Krana Guru ane lakar maang cening kawicaksanaan ngraos, kanti musuh-musuh ceninge tusing nyidayang nglawan cening.

Lukas 21:36 Pada ytninja dewek ceninge, tur tan marenja ngastawa, apanga cening kicen kakuatan buat ngluputang dewek ceninge uli sakancan paundukane ane lakar kasidan ento. Buina apanga cening nyidayang nangkil di ajeng Ida Sang Putraning Manusa Utusan Ida Sang Hyang Widi Wasa.”

Yohanes 17:15 Titiang boyaja mapinunas mangda IRatu ngambil ipun sami saking jagate, nanging mangda IRatu nyayubin ipun saking I Jaat.

Pamargin Parautusan 11:23 Sasampune Dane Barnabas rauh irika, dane liang pisan manggihin sih pasuecan Ida Sang Hyang Widi Wasa, katiba ring pasamuane irika. Dane raris mituturin pasamuane mangda pageh tur satia tuu ring Ida Sang Panembahan.

Pamargin Parautusan 13:48 Rikala parabangsane sane boyah Yahudi miragi paindikane punika, ipun sami pada gargita tur ngluihang sabdan Ida Sang Panembahan. Maliha anake sane sampun kapastiang muponin urip langgeng, sami pada pracaya.

1 Korintus 10:13 Gegodan-gegodan sane sampun nempuh ragan semetone, punika gegodan sane taler biasa nempuh sawatek manusane. Ida Sang Hyang Widi Wasa punika satia tuu, punika awinannya Ida tanja pacang manggayang parasemeton kagoda langkungan ring kakuatan semetone. Rikalane semeton keni gegodan, Ida jaga mapaida kakuatan, mangda semeton mrasidayang ngarepin gegodane punika tur ngluputang semeton saking gegodane punika.

1 Korintus 16:9 santukan irika tiang polih sela becik pisan buat ngamargiang pakaryan sane ageng tur penting, yadiastuja akeh anak sane nungkasin.

2 Korintus 12:9 Nanging pangandikan Ida Sang Panembahan ring tiang sapuni: "Sih pasuecan Ulun suba cukup buat kita, sawireh kuasan Ulun kasina-hang sajeroning kalemetan kitane." Punika awinanipun becikan tiang nyumbungang dewek majalaran kalemetan tiange, santukan rikala tiang lemet, tiang ngrasayang kakuasan Ida Sang Kristus nyayubin padewekean tiange.

Epesus 6:11 Agemja gegaman sane sampun kapaicayang ring semeton antuk Ida Sang Hyang Widi Wasa, mangdane semeton pada sregep ngarepin pangindrajalan Ratun Setane.

Ibrani 1:7,14 Ngeniang indik paramalaekate, Ida Sang Hyang Widi Wasa masabda kadi asapuniki: "Ida Sang Hyang Widi Wasa nadosang paramalaekat Idane dados angin, samalihia paraparekan Idane dadosang Ida geni ngendih." 14 Yening kadi asapunika, punapike paramalaekate punika? Boyake paramalaekate punika maraga roh, sane mamarekan ring Ida Sang Hyang Widi Wasa tur kutus antuk Ida buat nulungin anake sane jaga molih karahayuan.

Yakobus 4:7 Duaning punika suksrahja ring Ida Sang Hyang Widi Wasa, tur lawanja Ratun Setane, ipun pacang malaib jerih!

1 Petrus 5:10 Nanging sasampune semeton nandang sangsara ajebos, Ida Sang Hyang Widi Wasa witing saluiring panugrahane, sane sampun ngesengin semeton buat ngranjing ring kaluihan Idane sane langgeng, sajeroning Ida Sang Kristus, Ida pacang nyampurnayang miwah ngicen kapagehan, kakuatan miwah nasarin semeton.